

南廣雜詠

翁均樓集

新學
知

PDG

善本

序

古者太史陳詩以觀民風貞淫美刺
以及山川物產巷語街談無不脩載
輶軒所採詩三百篇中其詞具在也
蓋隨方攷証讀書之要務卽爲政之
大端否則無論具教莫對職者所譏
浸假而有以配鹽豉致餉者如籍在

口其以楊誠齋先生齒冷何又況五方
風氣不通言語不同璞鼠兮名某離異
視聽訟之下稍有未詳以不無釜鑊之
隔而吏胥緣以為奸其弊將有不可勝
言者

筠樓二兄性耽吟咏出宰南溪作南廣
雜咏一乃首寄以示余余為報云越俚

越雅亦莊亦諧令人一讀一擊節誠
非諛語 筠樓爲余言在絳齋中未
敢以筆墨廢公事此大槩出於東裝
行部驛館蓬窓随手撫成而因援陶
季深舟車名集以私自竊比然季深
作於遨遊汗漫之間其写景易 筠樓
作於戴星出入之際其遣興雅更且時

當軍事羽檄奔馳限於考成勞於供應
又誰能伸紙抽毫學道州之吟句向
吏部之圖經耶此固可以徵其素衷
記壬子秋余與 筠樓共事蜀南和
鐵面即如舊識余嘗以題吳雲槩句
索和疑有宿緣以浚輶車所至詩筒
絃復每倡必和每和必至數疊自謂

極宦遊之樂事 筠樓性端謹坐之以
秋山對人而其詩乃蘊藉飄逸以是詩
有別材信乎滄浪語非欺我耳是集
之作豈徒備一邑叢談直足見作家
職志也范石湖田家雜興諸首不得
擅美於前矣是為序時乾隆甲寅歲
三月上澣愚弟吳樹萱拜題

南廣雜咏六十四首

有引

莆田翁靈霖傳宗

一字
筠樓

一行作吏筆墨便同生
客杪秋抵省垣驛館蓬牕頗無公
事因就莅署後所見聞者畧做竹枝詞體而更叅俚語隨
手拈成得若干首明知格同擊壤然藏之旅篋亦或備一
邑風謠也辛亥九月下澣筠樓主人識

縣名記隸舊戎州對面清溪一帶週我欲添栽千樹柳定教遶郭
更風流

省志南溪縣隋時設屬戎州戎州故城在縣西四十里即李庄驛也

青龍頭尾亘西東立廟緣茲地勢空故老能傳揮扇事分明指點
是神工

武侯祠在邑東門外舊碑稱侯曾托化於此云此地山水儘好但青龍展尚空宜立廟以鎮之語忽不見人因即其像祀焉

祀典何人配禹王武侯祠廟接文昌不知川主原橋梓報賽唯云

李二郎

川主廟祀秦太守李冰鑿離堆以開水利者其子二郎佐之有神術因並祀焉今但稱李二郎云

鴛鴦當日舊名圻姓字流傳未闕疑誰是曹江黃絹手白華學使
有新碑

鴛鴦圻東漢黃烈婦帛尋夫張貞自沉處姓字多沿謠吳白華師魯為訂正立碑廟內

蜀國衣冠雅慕多青衣故址竟如何鴛鴦圻畔連南廣兵過猶傳
晉永和

南廣南溪邑舊名離邑一百里今廢廢付與鴛鴦圻相接晉史永和三年桓溫軍至青衣李勢發兵拒之其將督堅引兵過鴛鴦圻渡向犍為即此

琴山豈異隱山深胡不移情海上尋應是松風偶吹出故教南廣
有清音

琴山在溪邊為縣案山橫亘如琴因名焉隱山在縣東北

瀛洲有閣峙江心近爲被沙沒漸深小廠方船都逐盡丁寧切莫
再淘金

瀛洲閣為南邑要區時有在此淘沙者予力嚴禁

瑞雲一片出烟嵐水抱山迴真氣函翹首岱宗宮殿在天然形勢
鎮全南

瑞雲山祀東嶽廟在西門外

喚作山靈第一奇
豁訝龍透盡題詩
自嘲誰是南溪吏
洞口桃花未及窺

龍透洞在留賓里舊志稱為南邑最奇景

桂輪山石聳峻嶒
絕頂應先得月
曾眼見涪翁字
如斗
擎杪苔蘚
幾人登

桂輪山在高熊里有黃山谷書大桂輪山四大字

丁丁石畔招提景我亦曾乘秋夜遊可惜女尼空占住枉教飄海
禁高樓

丁丁石飄海樓俱與縣對面

春雷何處舊根尋綿亘長溪石笋沉父老柳榆齊禱祝願他歲歲
伏波心

石笋在高湖里沉水底下歲大旱則見

往來人跡日相連公惠橋頭未地偏何事停車獨延佇愛他林水
自蕭然

公惠橋在下高熊里

四箴碑碣古宮牆闕取遺基作講堂試向鳳翔門外過書聲燈火
夜琅琅

琴山書院原在城內近移建鳳翔門外更今名地即宋時學宮舊址有四箴碑存

琴聲聽在學宮邊預卜人文科第聯草井花籬無恙否果知楊發
是何仙

城中古學宮傍楊發故居每聞琴聲必多科第發世傳成仙去草生垂露井花滿籬籬根其題句也

望夫何自上高岡貞婦留形道路傷輸與石公同石母一生相對
白雲鄉

貞婦石在 里傳是貞婦所化石公石母在白雲里

峨眉巫峽少登臨高閣城東竹影深
相約朝山無別處拈香爭禮活觀音

觀音閣在縣東門五里祀大士最靈人稱活觀音

怪石清泉半月池一龕長卧混希夷
近時和尚多貪睡翻說叅禪此最宜

半月池在琴山上池旁石龕有睡和尚像

面目匡廬認不殊况兼筇竹產名區
紛紛耳食傳訛甚如此山胡呼可無

可廬山在上桂里原名可無山產有筇竹

寺開鷹嘴最嶙峋
展翅秋風似有神
聞說雲臺山更好
果然獨立是垂紳

鷹嘴寺在高湖里雲臺山在上高熊里

秋夢不離黃葉外
詩情多在白雲中
仙臨寺過連坡接
人指魏城即梵宮

首聯余宿白雲寺題句仙臨亦寺名

磨刀橋畔盡嘉禾
何事傳名偏許頗
銜口爲更摩稻號
如雲卜爾插肩多

在城里有磨刀橋余換之爲摩稻

九里分開十四場馬家半壁屬隣疆每逢期日爭先至酒館茶坊一樣忙

南邑計里九場十四其馬家場則一半屬長寧界

地沿古爨往來間場市酣呼半好閒孰是循行最留意李庄驛與宋家山

南邑漢時為爨道宋家山在高湖里

趕場百貨壓街檐北集南墟名號添且喜局錢通已遍不須攜米棹煤鹽

場期至則齊集趕場又前局錢未齊到民間多以米換雜物棹換土語也

一肩攜就早登城
倉斗何如市斗盈
不慣喫來包谷餅
都緣米價甚公平

量米穀曰攜音硬官斗曰倉斗又曰京斗民斗曰市斗市斗比倉斗大有加倍者有倍半者有兩倍者各處不同粳米曰包谷

林際山坡隱隱烟
縛茅到處有民廬
檔頭認是華居宅
四合房圍

一帶田

民舍多茅屋側謂之檔頭房間謂之房圍

秋來記是小春天
纔過收成便力田
葫荳芝蔴都種就
預瀦冬水待明年

川省以收成過為小春其來歲田水謂之冬水

正冲名與棟冲殊厰冊無分只計區每爲勸農阡陌度杏花樹下
立須臾

魚鱗冊名厰冊載段數不載文尺其田附山者有正冲棟冲之分

挑煤多半是生涯亦復傭工度歲華笑然么兒無活路倒騎牛背
弄梅花

川省呼最少者爲么活路工夫也

馬蹄脚下盡居廛烟火相依夾道連忽聽市聲呼口岸站房知在
隔隣邊

在城內住者稱曰馬蹄脚下飯錢曰口岸客店曰站房